

# CANTI SICILIANI INEDITI

*sul vino e sulla vendemmia*



## 'NA STORIA ANTICA

testo di Giuseppe Vultaggio

musica di Giuseppe Silvestro

Mi lu ricordu, era nicareddu  
quannu arrivava 'u tempu dâ vinnigna:  
'na cofficedda, fôrbici e cappeddu  
e 'nsunnacchiatu jia versu la vigna!  
Nn'annuncia l'arba 'u cantu di l'aceddu  
e lu burgisi li picciotti 'nsigna;  
si parti già lu primu trattureddu  
mentri lu mustu tuttu l'aria 'mprigna...

*la la la la la la la la la la la la*  
*la la la la la la la la la la la la*  
*la la la la la la la la la la la la*  
*la la la la la la la la la la*

Mentri ch'agghiorna arriva lu patruni  
chi teni nta li spaddi 'na cartedda;  
la posa 'n terra, pigghia lu cutruni,  
poi nesci la ricotta e 'na vastedda.  
Tutti vicini, misi addinucchiuni,  
'ncumincia già la prima manciatedda;  
susennu, poi, cantannu 'na canzuni,  
cu' pigghia lu filaru, cu' 'a cartedda.

*la la la la la la la la la la la la*

Stancu avvilutu, sutta di 'na iucca  
cercu ristoru pi la gran fatica;  
scurri 'u sururi chi dâ frunti sbucca,  
lu purvirazzu nta la peddi 'mpica.  
Poi sentu 'na buttigghia chi s'abbucca,  
lu ciauru di lu vinu chi si spica  
e quannu 'a prima goccia arriva 'n vucca  
sentu 'u sapuri di 'na storia antica.

*la la la la la la la la la la la la*

# 'NA STORIA ANTICA

Canto popolare siciliano

Strumenti in do

Musica di Giuseppe Silvestro

Testo di Giuseppe Vultaggio

The musical score is written in 2/4 time and consists of several systems. The vocal line is written in a single treble clef, and the instrumental accompaniment is written in a single treble clef. The score includes various chord markings such as FA, DO, SOL7, MI-, and RE-. The piece concludes with a section labeled "Finale del coro".

FA DO SOL7  
DO FA DO  
SOL7 DO DO  
SOL7 DO SOL7  
DO SOL7  
FA MI -  
RE -  
DO SOL7 DO  
Finale del coro  
FA DO  
SOL7 DO DO DO FA  
DO SOL7 DO

## LA VINNIGNA DI 'NA VOTA

testo di Francesco Savalli

musica di Giuseppe Silvestro

Arrivannu la vinnigna  
si partìa cun gran primura  
pi livari di la vigna  
la racína già matura.  
Era festa vinnignari!  
sennu poi tutti picciotti  
si putianu 'nnamurari  
anchi mezzi stanchi morti!

*Era bellu vinnignari!  
ma ddi tempi dunnì su'?*  
*Nun si ponnu mai scurdari:  
si ni eru e 'un vennu cchiu!*

Mentri 'a forficia tagghiava  
si rinchía già la cartedda;  
la racina si manciava  
dannu quarchi vuccatedda!  
Arrivannu 'u tinidderi  
cu lu mulu e li tineddi,  
s'jia prestu a scarricari  
doppu chini li carteddi.

*Era bellu vinnignari! ecc.*

La racína caricata  
si purtava a lu parmentu,  
prestu ddá vinía pistata  
e strinciuta nta un mumentu.  
Chissi tempi già passati  
nun riturnirannu ccchiú;  
sunnù cosi tramuntati  
di un passatu chi già fu.

*Era bellu vinnignari! ecc.*

# LA VINNIGNA DI 'NA VOTA

Canto popolare siciliano

Musica di Giuseppe Silvestro

Testo di Francesco Savalli

Strumenti in DO

The musical score is written on ten staves in a 2/4 time signature. It features a melody with various notes and rests, accompanied by lyrics in Italian. The lyrics are: SOL 7, DO, DO, FA, DO, DO, SOL 7, DO, MI 7, LA - RE -, DO, SOL 7, DO, DO, SOL 7, DO, SOL 7, DO, FA, DO, SOL 7, DO.

SOL 7

SOL 7 DO

DO SOL 7 DO FA DO

SOL 7 DO

DO SOL 7 DO MI 7 LA - RE -

DO SOL 7 DO SOL 7

DO SOL 7

DO FA DO

SOL 7 DO

## LU BICCHERI GIUSTU

testo di Giuseppe Vultaggio    musica di Giuseppe Silvestro

Quann'e' chi vivi vinu,  
pi séntiri lu gustu,  
nun ti scurdari, amicu,  
di lu biccheri giustu.

Secunnu lu culuri,  
li gradi e li mumentu,  
diversu e' lu biccheri:  
tu prova e 'un ti ni penti!

Pi tutti 'a stessa liggi:  
di vitru e trasparenti!  
S'e' chiddu cu li peri  
e' megghiu certamenti!

*Aggiungi a lu me diri:  
qualunqui e' lu biccheri  
si ti ni vivi troppu  
raddoppianu 'i pinseri!*

Pû vinu biancu "leggiu"  
abbasta limitatu;  
un pocu cchiu' panzutu  
sû biancu e' "strutturatu".

Lu rüssu c'unn'e' vecchìu,  
nun voli bicchìrina  
ma voli invece chiddu  
cu 'a panza curta e china.

E senti granni gustu,  
apprezzi la racina:  
'na sensazioni granni...  
lu ciauru di "tannina"!

*Aggiungi a lu me diri ecc.*

Pû vinu vecchìu, invece,  
l'ossigginu e' 'mpurtanti:  
cchiu' granni e' lu biccheri  
chiossai iddu e' fraganti!

Pi chiudiri ti dicu  
chi pû spumanti "drai"  
si pigghi chiddu a "flutti"  
stai certu 'un sbagghi mai!

Pi chiddu duci, séntimi,  
chi fiura tu farai:  
ci voli chiddu a coppa  
e ti lu gusti assai!

*Aggiungi a lu me diri ecc.*

# LU BICCHERI GIUSTU

Canto popolare siciliano

Musica di Giuseppe Silvestro

Testo di Giuseppe Vultaggio

Strumenti in do

Musical score for 'LU BICCHERI GIUSTU' in 2/4 time, key of B-flat major. The score consists of ten staves of music with lyrics written below the notes. The lyrics are: RE - LA RE - SOL - LA 7 RE - RE - LA 7 RE - DO RE - DO FA MI 7 LA - MI 7 LA - LA - MI 7 LA - LA - LA - LA - D.C. AL SEGNO. The score includes various musical notations such as treble clefs, time signatures, accidentals, and dynamic markings.



## LODI A BACCU

*testo di Alberto Criscenti*

*musica di Giuseppe Silvestro*

Nun parlu a vànvira, / lu gridu forti:  
"lu vinu amàbili / nni dà cunforti!"

Lu vinu è màgicu, / scacciapinséri:  
su' picca vèvini / dui, tri biccheri!

Prizziusu e nòbili / chiòssai di l'oru:  
o ricchi o pòviri / càntanu 'n coru!

Lu vinu è bàrsamu, / 'na panacéa,  
un veru fàrmacu / ch''i mali annéa!

*Lu vinu e' tuttu spíritu  
chi sempri paci spanni,  
lu veru granni prínicipi  
di tutti li bivanni!*

Si l'omu è anémicu / lu vinu agisci  
e 'u visu pàllidu / ci 'u culurisci!

O biancu o niuru, / d'annata o anticu,  
saputu vèviri / nni resta amicu!

È fattu stòricu, / documentatu:  
'n amicu 'ntrísicu / pi l'omu è statu!

Lu vinu e' símbulu / di l' allígría,  
e' musa, oráculu / chi sintinzía!

*Lu vinu e' tuttu spíritu  
chi sempri paci spanni,  
lu veru granni príncipi  
di tutti li bivanni!*

S' 'u vinu è lìmpidu, / s' è originali,  
nun ci su' stòmachi / chi stannu mali,

ma siddu è trùbbulu / nna testa acchiana  
e ci fa pérdiri / la tramuntana!

Stu duci néttari / quaría lu cori,  
la menti 'llúmina, / la panza gori!

Pigghiamu 'i càlici / e bonu o fraccu,  
facému 'nsémmula / li lodi a Baccu!

# LODI A BACCU

Canto popolare siciliano

Strumenti in DO

Musica di Giuseppe Silvestro

Testo di Alberto Criscenti

Musical score for 'Lodi a Bacchu' in G major (one sharp) and 2/4 time. The score consists of seven staves of music with lyrics underneath. The lyrics are: RE LA 7, RE LA 7, RE RE LA 7, RE SI 7 MI - LA 7, RE RE LA 7 RE, LA 7 RE SOL RE, LA 7 RE RE.

RE LA 7

RE LA 7

RE RE LA 7

RE SI 7 MI - LA 7

RE RE LA 7 RE

LA 7 RE SOL RE

LA 7 RE RE